



Fama Gerhardiorum in Funere Matronae Pientissimae atq[ue]  
honoratissimae Mariae Gerhardinae ... Dn. Johanni Gerhardi ... Relictae  
Viduae : cum Haec d. 1. Aprilis A. M.DC.LX. solenni pompa terrae  
mandaretur, Honoris atque observantiae causa, decantata ab Excell. Dn.  
Sebastiani Niemann, SS. Theol. Doct. & P. P. Extraord. Commensalibus  
Ienae


Theol 4° 00958 (02k)

[https://dhb.thulb.uni-jena.de/receive/ufb\\_cbu\\_00003154](https://dhb.thulb.uni-jena.de/receive/ufb_cbu_00003154)

urn:nbn:de:urmel-61531746-15fd-458a-97ac-4fbc1d0663693-00001626-12

Lizenz: <https://creativecommons.org/licenses/by-sa/4.0/>





urn:nbn:de:urmel-61531746-15fd-458a-97ac-4fbc1d0663693-00001626-12

2 h

FAMA GERHARDIORUM  
in Funere  
*Matronæ Pientissimæ atq; honoratissimæ*  
MARIAE GERHARDINÆ,  
VIRI

*Maximè Reverendi, Amplissimi ac Excellentissimi*  
DN. JOHANNIS GERHARDI,  
SS. Theol. D. ejusdemq; P. P. celeberrimi, Theologi non  
de hac Salanâ tantùm, sed de toto Christiano orbe

præclarissimè meriti,  
RELICTÆ VIDUÆ,  
*cum Hac d. 1. Aprilis A. M. DC. LX. solenni*  
*pompâ terra mandaretur,*

Honoris atque observantiæ causâ,  
decantata

*ab*  
Excell. DN. SEBASTIANI NIEMANN,  
SS. Theol. Doct. & P. P. Extraord.  
COMMENSALIBUS.

---

JENÆ,  
Typis JOHANNIS NISII.

**A**deste, quotquot fontibus Caballinis  
Divina loti corda, vocibus centum  
Fluentibus decenter ore centeno,  
Docetis appellare Delium Numen.

Adeste, iusta manibus GERHARDINIS,  
Sublimiores cantuum modos docti,  
Perolvite, ac servire luctui nostro  
Industriam jubete vindicem vestram  
Mortalitatis hujus. Exstet erectum  
Famæ GERHARDINÆ perennius duro  
Ære, & situ surgentium Colossorum  
Ad astra celsius marmor, quod haud possit  
Injuriam timere temporum pravam.  
Huic pullus inscribat chorus Camœnarum,  
Quantum recondat urna sancta Virtutis.  
Ambagibus nil est opus, GERHARDINUM  
Scripsisse Nomen sufficit; coruscantem  
Splendore certante igneis poli stellis,  
Sic possumus coronam habere Virtutum.  
GERHARDUS & GERHARDIA entheâ mente  
Clarè eminebant inter hospites mundi,

Mino-

Minora sicut inter astra lunare  
Cornu, rubente luce temperans noctem.  
GERHARDUS ille veritatis assertor,  
Quam fecit humanæ salutis effectrix,  
Misericordia DEI, patere terrarum  
Cultoribus, per lumen aureum verbi,  
Quanto pios zelo docebat oracula?  
GERHARDIA illa gentis optimæ Christi  
Electa pars, firmo fiduciæ nixa,  
Fulcro, quod est pacis Sequester æternæ,  
Quanto calebat sanctitatis ardore?  
Et Ille & Illa Numinis voluntate,  
Molestiarum urgentium malis vitam  
Hanc terream pertæsi, ad astra migrarunt.  
Pertransiére gaudiis triumphantes  
Cœlestibus, nubes loco suo pulsas.  
Ubi Bootes Arcticum movet plaustrum,  
Ubi aureo cornu micat minax taurus.  
Nos hinc euntes planctibus sequi mœstis  
Paramus, at frustra! Rogâsse supremum  
Numen juvat flagrantibus magis votis,

Diu

Diū GERHARDOS & GERHARDIAS velit  
Servare, quos superstites honoramus.  
ô missa coelitus GERHARDIORUM gens,  
Quæ nata mentis inclutæ, quibus gaudes,  
Præstantibus rem literariam donis  
Augere, perge splendidum tuum lumen,  
Propagini communicare terrenæ.  
Serò videre Te benignitas faxit  
Divina redditam palatiis coeli,  
Solis rotas polique flammeos arcus.

